

REGIONAL NEWS UNIT  
ALL INDIA RADIO, AGARTALA  
Date: 16-02-2025  
Time: 07:55-08:05 PM Hrs  
BENGALI EVENING BULLETIN

---

Headlines :

- (১) প্রধানমন্ত্রী নরেন্দ্র মোদী বলেছেন, বর্তমানে দেশ থেকে ৩ লক্ষ কোটি টাকার বস্ত্র রপ্তানি করা হয় ।
- (২) মুখ্যমন্ত্রী অধ্যাপক ডাঃ মানিক সাহা আজ নয়াদিল্লীতে কেন্দ্রীয় বিজ্ঞান ও প্রযুক্তি প্রতিমন্ত্রী ডঃ জীতেন্দ্র সিং-এর সাথে রাজ্যের বিভিন্ন উন্নয়নমূলক প্রকল্পের কাজের অগ্রগতি নিয়ে আলোচনা করেন ।
- (৩) রাষ্ট্রপতি দ্রৌপদী মূর্মু আজ নয়াদিল্লীতে আদি মহোৎসব ২০২৫ এর উদ্বোধন করেন।
- (৪) টিসিএ পরিচালিত মহিলাদের আমন্ত্রণমূলক সীমিত ওভারের সিনিয়র ক্রিকেটে আজ তরুণ সংঘ কোচিং সেন্টার জয়লাভ করেছে ।

\*\*\*\*\*

**PM:**

প্রধানমন্ত্রী নরেন্দ্র মোদী বলেছেন, দেশের সাংস্কৃতিক বৈচিত্র্য বিভিন্ন প্রান্তের তৈরী বস্ত্রে প্রতিফলিত হয়। আজ নয়াদিল্লীতে ভারত মন্ডপমে ভারত টেক্স ২০২৫-এ বক্তব্য রাখতে গিয়ে প্রধানমন্ত্রী একথা বলেন। তিনি আরও বলেন, ভারত বস্ত্র রপ্তানিকারী ৬ষ্ঠ বৃহত্তম দেশ। বর্তমানে দেশ থেকে ৩ লক্ষ কোটি টাকার বস্ত্র রপ্তানি করা হয়। ২০৩০ সালে এর লক্ষ্যমাত্রা ধরা হয়েছে ৯ লক্ষ কোটি টাকা।

#####Byte PM#####

প্রধানমন্ত্রী আজ প্রদর্শনী মন্ডপ ঘুরে দেখেন ও প্রদর্শনকারীদের সাথে কথা বলেন।

\*\*\*\*\*

**CM:**

মুখ্যমন্ত্রী অধ্যাপক ডাঃ মানিক সাহা আজ নতুনদিল্লীতে কেন্দ্রীয় বিজ্ঞান ও প্রযুক্তি প্রতিমন্ত্রী ডঃ জীতেন্দ্র সিং-এর সাথে সাক্ষাৎ করেন। সাক্ষাৎকালে রাজ্যের বিভিন্ন উন্নয়নমূলক প্রকল্পের কাজের অগ্রগতি নিয়ে উভয়ের মধ্যে বিস্তারিত আলোচনা হয়। এই আলোচনায় রাজ্যে অত্যাধুনিক আবহাওয়া রাডার স্থাপন করা, বাঁশ-বেত শিল্পের উন্নয়ন বিষয়গুলি প্রাধান্য পায়।

\*\*\*\*\*

**Rail:**

নয়াদিল্লীর রেলস্টেশনে গতকাল রাতে পদপিষ্ট হয়ে মৃত্যুর ঘটনার উচ্চ পর্যায়ের তদন্ত শুরু হয়েছে। রেলওয়ের প্রিন্সিপাল চীফ কর্মাশিয়াল ম্যানেজার নরসিং দেও এবং প্রিন্সিপ্যাল চীফ সিকিউরিটি কমিশনার পঙ্কজ গাঙ্গোয়ার কে নিয়ে গঠিত এক কমিটি এই ঘটনার তদন্ত করবে। নয়াদিল্লী রেলস্টেশনের সমস্ত ভিডিও ফুটেজ সংরক্ষিত রাখার নির্দেশ দেওয়া হয়েছে। দিল্লী পুলিশও ঘটনার তদন্ত শুরু করেছে। গতকালের এই ঘটনায় ১৮ জনের মৃত্যু হয়েছে। আহতদের চিকিৎসা চলছে। রেল কর্তৃপক্ষ এই ঘটনায় মৃতদের পরিবারকে ১০ লক্ষ টাকা, গুরুতর আহতদের আড়াই লক্ষ টাকা এবং সামান্য আহতদের এক লক্ষ টাকা দেবার কথা ঘোষণা করেছে।

এদিকে রাষ্ট্রপতি, প্রধানমন্ত্রী, রেলমন্ত্রী এবং স্বরাষ্ট্র ও প্রতিরক্ষা মন্ত্রী গতকালের এই ঘটনায় গভীর শোক ব্যক্ত করেছেন।

\*\*\*\*\*

**Sushanta Chowdhury- MataBari:**

প্রসাদ প্রকল্পে উদয়পুরের নবরূপে মাতাবাড়ির পরিকাঠামোর তৈরির কাজ আগামী মাসে শেষ হবে। পর্যটন মন্ত্রী সুশান্ত চৌধুরী সাংবাদিকদের জানান, এই জন্যে কেন্দ্রীয় সরকার থেকে ৩৮ কোটি টাকা পাওয়া গেছে। এছাড়া রাজ্য সরকার সাত কোটি টাকা দিয়েছে। উল্লেখ্য, মুখ্যমন্ত্রী অধ্যাপক ডাঃ মানিক সাহা নয়াদিল্লিতে গিয়ে প্রধানমন্ত্রী নরেন্দ্র মোদী এবং স্বরাষ্ট্রমন্ত্রী অমিত শাহকে নবরূপে তৈরী মাতাবাড়ি উদ্বোধনের জন্য আমন্ত্রণ জানিয়েছেন।

\*\*\*\*\*

**T.R.K.S:**

সমাজ কল্যাণ ও সমাজশিক্ষা মন্ত্রী টিংকু রায় আজ কৈলাশহরের ঊনকোটি কলাক্ষেত্রে "ত্রিপুরা রাজ্য কর্মচারী সংঘ" এর ঊনকোটি জেলার তৃতীয় ত্রি-বার্ষিক সন্মেলনের উদ্বোধন করেন। উদ্বোধকের ভাষণে তিনি বলেন, সরকারের গৃহীত কর্মধারার সফল বাস্তবায়নের কাজ করে থাকেন শিক্ষক-কর্মচারীরা। তাদের দায়িত্ব অত্যন্ত গুরুত্বপূর্ণ।

সন্মেলনে প্রধান অতিথি হিসাবে উপস্থিত ছিলেন, কারামন্ত্রী শান্তনা চাকমা, রাজ্য ওয়াকফ বোর্ডের চেয়ারম্যান মবস্বর আলি, ঊনকোটি জিলা পরিষদের সদস্য বিমল কর, কৈলাশহর পুর পরিষদের চেয়ারপার্সন চপলা রাণী দেবরায় প্রমুখ।

\*\*\*\*\*

**BJP:**

কেন্দ্রীয় বাজেটের সমর্থনে আজ আগরতলার প্যারাডাইস চৌমুহনীতে বিজেপি সদর শহর জেলার উদ্যোগে এক জনসভার আয়োজন করা হয়। সভায় প্রধানমন্ত্রী নরেন্দ্র মোদী ও কেন্দ্রীয় অর্থমন্ত্রী নির্মলা সীতারামনকে ধন্যবাদ জানিয়ে বক্তব্য রাখেন প্রদেশ বিজেপি সভাপতি তথা সাংসদ রাজীব ভট্টাচার্য। তিনি বলেন, এই বাজেট জনকল্যানকামী। কেন্দ্রীয় বাজেট নিয়ে

বিরোধীদের অভিযোগ ভিত্তিহীন বলে দাবী করেন। সভায় উপস্থিত ছিলেন মেয়র তথা বিধায়ক দীপক মজুমদার, বিজেপি নেতা সুবল ভৌমিক।

এদিকে, কেন্দ্রীয় বাজেটের সমর্থনে আজ খোয়াই শহরে বিজেপি জেলা কমিটির উদ্যোগে মিছিল সংঘটিত করা হয়। পরে শ্রীকৃষ্ণ মন্দির প্রাঙ্গণে অনুষ্ঠিত এক সভায় বক্তব্য রাখেন বিধায়ক পিনাকী দাস চৌধুরী, বিজেপি জেলা কমিটির সভাপতি বিনয় দেববর্মা প্রমুখ।

\*\*\*\*\*

#### **Maan-Ki-Baat :**

প্রধানমন্ত্রী নরেন্দ্র মোদী আগামী ২৩শে ফেব্রুয়ারী রবিবার সকাল ১১টায় আকাশবাণীর 'মন-কি-বাত' অনুষ্ঠানে দেশ বিদেশের জনগনের সঙ্গে মত বিনিময় করবেন। এটি হবে 'মন-কি-বাত'-এর ১১৯তম পর্ব। প্রধানমন্ত্রী জনগণকে তাদের সুচিন্তিত চিন্তাভাবনা 'মন-কি-বাত' এ জানানোর আহ্বান জানিয়েছেন। my gov open forum -এ এবং নমঃ APP-এ জনগণ তাদের মতামত পাঠাতে পারবেন। এছাড়াও TOLL FREE NO. 1800-11-7800 নম্বরে কল করে হিন্দি বা ইংরেজীতে মতামত রেকর্ড করানো যাবে। এছাড়াও, ১৯২২ নম্বরে মিসকল দিলে যে লিংক পাওয়া যাবে, তাতেও SMS করা যাবে।

\*\*\*\*\*

#### **Update Akashvani :**

এখবর শুনছেন, আকাশবাণী আগরতলা কেন্দ্র থেকে।

#####Sound Byte#####

আকাশবাণীর সংবাদের আপডেট পেতে লগ ইন করুন - ডব্লিউ. ডব্লিউ. ডব্লিউ ডট নিউজ অন এ আই আর ডট কম এবং নিউজ অন এ-আই-আর অ্যাপ, এবং টুইটার ও ফেসবুক

প্লাটফর্মে-এ এ-আই-আর-নিউজ-এলাটস-এ। ইউ-টিউব-এ  
লক্ষ্য করুন নিউজ-অন-এআইআর-অফিসিয়াল-এ।

এছাড়াও আকাশবাণী আগরতলার সংবাদ আপডেট পেতে দেখুন  
টুইটার বা এক্স হ্যান্ডলে আকাশবাণী নিউজ আগরতলা /  
ফেসবুকে এ-আই-আর নিউজ আগরতলা এবং ইউ টিউবে  
আকাশবাণী নিউজ আগরতলা।

\*\*\*\*\*

**President:**

রাষ্ট্রপতি দ্রৌপদী মুর্মু আজ নয়াদিল্লিতে আদি মহোৎসব ২০২৫  
এর উদ্বোধন করেন। রাষ্ট্রপতি বলেন যে দেশের আদিবাসীদের  
ঐতিহ্য এবং জীবন যাত্রার পদ্ধতি দেশের সংস্কৃতিকেই সমৃদ্ধ  
করে। শ্রীমতি মুর্মু আরো বলেন, এ বছরের বাজেটে জনজাতি  
কল্যাণের জন্য তিনগুণ বেশি অর্থ বরাদ্দের প্রস্তাব রাখা হয়েছে।  
তিনি আরো বলেন, জনজাতি সম্প্রদায়ের উন্নয়ন হলেই দেশের  
উন্নয়ন সম্ভব।

#####Byte President#####

এই উৎসবে ৩০টি রাজ্য এবং কেন্দ্রশাসিত অঞ্চলের ৬০০ জন  
জনজাতি কারিগর এবং ৫০০ জন শিল্পী অংশ নিচ্ছেন। ২৫ টি  
জনজাতিদের খাবারের স্টল থাকবে।

\*\*\*\*\*

**Tourism:**

রাজ্যে পর্যটনের উন্নয়নের জন্য সরকার ৫০০ কোটি টাকার  
পরিকল্পনা নিয়েছে, পর্যটন মন্ত্রী সুশান্ত চৌধুরী এ খবর জানান।  
এরমধ্যে ছবিমুড়ায় অত্যাধুনিক পর্যটন কেন্দ্র হিসেবে গড়ে  
তুলতে ৫২ কোটি টাকা বরাদ্দ করা হয়েছে। এছাড়া, ঊনকোটের  
সোনামুখিতে ৭০ কোটি টাকা খরচে নতুন করে পরিকাঠামো তৈরি  
করা হবে। মন্ত্রী শ্রী চৌধুরী আরও জানান, জিরানিয়া এসএন

কলোনিতে ৭০ কোটি টাকা খরচে অত্যাধুনিক পার্ক হবে। ডুস্বুরে তিনটি আইল্যান্ড চিহ্নিত করা হয়েছে পর্যটনের জন্য। এছাড়া, জম্পুই-এর ইডেন লজ নবরূপে থ্রি স্টার হোটেল তৈরি করা হবে।

\*\*\*\*\*

#### **karmachari Manch:**

চাকরিতে নিয়মিতকরন, নিয়মিতকরনের সাপেক্ষে সমকাজে সমবেতনের দাবিতে আগামী মাসের তৃতীয় সপ্তাহে মহাকরন অভিযানের ডাক দিয়েছে ত্রিপুরা অনিয়মিত কর্মচারী মঞ্চ। আজ আগরতলায় স্টুডেন্ট হেলথ হোমে সংগঠনের সভায় এই সিদ্ধান্ত নেওয়া হয়েছে। সভায় ভাষণে ত্রিপুরা হিউম্যান রাইটস অর্গানাইজেশনের সম্পাদক পুরুষোত্তম রায় বর্মণ বলেন, রাজ্যে বিভিন্ন সরকারি দপ্তরে প্রায় ৪০ হাজার অনিয়মিত কর্মচারী রয়েছে। সভায় আলোচনা করেন অনিয়মিত কর্মচারী মঞ্চের নেতা তরুণ চক্রবর্তী, সন্ধ্যা সিনহা, রতন দেবনাথ প্রমুখ।

\*\*\*\*\*

#### **Sushanta Chowdhury- working journalist:**

ত্রিপুরা ওয়ার্কিং জার্নালিস্ট অ্যাসোসিয়েশনের বার্ষিক সম্মেলন আজ আগরতলা প্রেসক্লাবে অনুষ্ঠিত হয়। পর্যটন মন্ত্রী সুশান্ত চৌধুরী সম্মেলনের উদ্বোধন করে বলেন, সাংবাদিকদের উন্নয়নে রাজ্যে সরকার সচেষ্টা রয়েছে। অনুষ্ঠানে অন্যান্যদের মধ্যে তথ্য সংস্কৃতি দপ্তরের অধিকর্তা বিশ্বিসার ভট্টাচার্য, অ্যাসোসিয়েশনের সভাপতি বিজয় পাল, সম্পাদক সুনীল দেবনাথ প্রমুখ বক্তব্য রাখেন। এই উপলক্ষ্যে চিত্র প্রদর্শনীও আয়োজন করা হয়।

\*\*\*\*\*

#### **Amlighat kabita utsav:**

সীমান্ত গ্রাম আমলিঘাটের সন্ন্যাসী টিলায় আজ অনুষ্ঠিত হয় দ্বিতীয় আমলিঘাট ফেণিভিউ কবিতা উৎসব। উৎসবের সূচনা করেন রাজ্যের বরিষ্ঠ কবি দিলীপ দাস। অনুষ্ঠানে কবি নন্দ কুমার দেববর্মা, পোয়াংবাড়ি পঞ্চায়েত সমিতির চেয়ারপার্সন মনিবালা দত্ত, বিএসএফের ১২১ নম্বর বাহিনীর কমান্ডেন্ট অনিল চৌহান, সাব্রুমের মহকুমা শাসক শিবজ্যোতি দত্ত প্রমুখ উপস্থিত ছিলেন। কলকাতা সহ রাজ্যের বিভিন্ন প্রান্তের শতাধিক কবি অংশ নেন কবিতাপাঠে। আজকের উৎসবে স্বরণিকা - মেরুকুম প্রকাশিত হয়।

\*\*\*\*\*

#### **Foundation day of Youth IPFT:**

আইপিএফটি দলের যুব সংগঠন ইয়ুথ আইপিএফটির ১৫ তম প্রতিষ্ঠা দিবস আজ জোলাইবাড়ি বিধানসভার পূর্ব পিলাকে অনুষ্ঠিত হয়। এই উপলক্ষে আয়োজিত সভায় সমবায় মন্ত্রী শুল্লাচরন নোয়াতিয়া, ইয়ুথ আইপিএফটির কেন্দ্রীয় কমিটির চেয়ারম্যান জিতিরাম ত্রিপুরা প্রমুখ বক্তব্য রাখেন।

\*\*\*\*\*

#### **Blood Donation Camp:**

জোলাইবাড়ি ব্লকের রামরাইবাড়ি বাজারে আজ বিজেপি যুবমোর্চার উদ্যোগে এক রক্তদান শিবির অনুষ্ঠিত হয়। শিবিরে ২১ জন রক্তদাতা স্বেচ্ছায় রক্তদান করেন। সমবায় মন্ত্রী শুল্লাচরন নোয়াতিয়া, বিধায়ক মাইলাফরু মগ, বিজেপির দক্ষিণ জেলা সভাপতি দীপায়ন চৌধুরী প্রমুখ শিবিরে উপস্থিত ছিলেন।

\*\*\*\*\*

#### **Women Cricket:**

টিসিএ পরিচালিত মহিলাদের আমন্ত্রণমূলক সীমিত ওভারের সিনিয়র ক্রিকেট প্রতিযোগিতার একমাত্র খেলায় আজ তরুণ সংঘ

কোচিং সেন্টার জয়লাভ করেছে। নরসিংগড়ের পিটিএ মাঠে তরুণ সংঘ ২৬১ রানে কর্ণেল কোচিং সেন্টারকে হারিয়ে দেয়।

\*\*\*\*\*

### **Super Division Cricket:**

টিসিএ পরিচালিত ঘরোয়া সুপার ডিভিশন লিগ ক্রিকেট প্রতিযোগিতার আজ তিনটি ম্যাচ হয়। এতে মেলাঘরের মাঠে ব্লাডমাউথ ক্লাব ৪ উইকেটে হার্তে ক্লাবকে, নরসিংগড়ের টিআইটি মাঠে জয়নগর ক্রিকেট ক্লাব ৭ উইকেটে ইউনাইটেড ফ্রেন্ডসকে এবং এম বি বি স্টেডিয়ামে স্ফুলিঙ্গ ক্লাব ৫ উইকেটে সংহতি ক্লাবকে পরাজিত করে।

\*\*\*\*\*